



2011 BRANCH YMA HRUAITU HRANG HRANG RUAT AN NI

Chanmari West February 6 : Ni 31.1.2011 zan khan Chanmari West Branch YMA OB meeting neih a ni a. Section hrang hrang te'n Committee member, YMA chanchinbu Sub-Agent leh YMAAW Agent tur an ruat chu remtih a ni bawk. Heng a hnuai mite hi Br.Executive member atan leh Sub-Committee hruaitu leh tuldang atan ruat an ni.

Branch Executive member :

- | | |
|--------------------------|---------------------------|
| 1.Pu V.L.Thakima | 11.Pu T.C.Lalmangaiha |
| 2.Pu K.Lalthakima | 12.Pu Lalnunsanga |
| 3.Pu C.Lalmuankima | 13.Pu Lalchhanhima (Puia) |
| 4.Pu Lalrinliana (Tea) | 14.Pu Lalmalsawma (Sena) |
| 5.Pu Lalthanruma | 15.Dr.Lalramliana |
| 6.Pu H.Vanlalvena | 16.Pu C.T.Vawra Zote |
| 7.Pu R.K.Rozidinga | 17.Tv.H.Lalrinmawia |
| 8.Pu H.V.Lalthavela | 18.Tv.Hmingthansanga |
| 9.Pu Lalramhluna Hauhnar | 19.Tv.Zairemmawia |
| 10.Pu R.Lalmalsawma | 20.Nl.Lalramengzami |

Sub-Committee :

Kumpuan :

- Chairman : Pu T.Ngurkhuma, Pre.
 V.Chairman : Pu C.Lalmuanpuia
 Secretary : Pu Lalhmingliana (Puia)
 Asst. Secy. : Pu K.Lalzuithanga

Property :

- Chairman : Pu TC.Lalmangaiha
 V.Chairman : Pu C.Lalmuankima
 Secretary : Pu Lalnunsanga
 Asst.Secy. : Pu Lalthlamuana
 OB i/c : Pu Lalthuamluaia

Thlanmual :

- Chairman : Pu H. Vanlalvena
 V.Chairman : Pu Thanseia
 Secretary : Pu Lalchhanhima (Puia)
 Asst.Secy. : Tv.EVL.Hruaitluanga
 OB i/c : Pu C.Lalzarliana.

Park Sub-Committee :

- Chairman : Pu K.Darthantluanga,
 Asst.Secretary.
 V.Chairman : Pu Lalremruata
 Secretary : Pu P.C.Lalawmawia
 Asst.Secy. : Zonunthara (Tetea)

(Sub-Committee OB te hian Committee member mi 15 aia tam lo ruatin, ni 10.2.2011 hmian Br.Secretary hnenah thehltut vek tura ngen an ni)

YMA Chanchinbu Agent : Pu Lalchhanhima (Puia) K-Section.

Editorial Board Thukhawm

Kum 2010 leh 2011-a Editorial Board te chu Ni 4.2.2011 zan khan Editor thar te Inah thutkhawm a ni a,

Kum 2011 chhunga YMA AW kalphung tur tlangpui hetiang hian duan a ni:

- a) Thuchhuah tur nei chuan zirtawp zan Dar 8 aia tlai lovah Editorial board te hnenah emaw e-mail ah emaw thawn thin tur a ni.
- b) Section YMA leh NGO dang Report reng reng tul bik thil ah lo chuan zan dar 8 hnulama mi chu chhuah a ni lovang.
- c) YMAAW ah hian political party inchirhthahna lam hawi chhuah a rem lova, khawtlang thatna leh hmasawna tur lam hawi chu chhuah theih reng a ni.

Branch News

Ni.2.2.2010(Nilai) zan khan Branch Executive meeting hmasa ber chu Pu T.Ngurkhuma, President in ah neih a ni.

Kumin 2011 chhunga kan Branch YMA Member turte Section hruaitu ten Ni 20/2/2011 ral hma hian anrawn la dawn a, YMA Membership fee ` 2 leh kumpuan fund ` 3. Total ` 5 a khawn tur a ni.

Ni 4&5/3/2011 a Chapchar Kut hman turah kan Branch YMA chu Rallu Lam entir tura ngen kan ni a, lam zir tur a member te lo in ringlawk turin kan in ngen e.

Sectionwise Performance hmanga inelna thianghlim kan neih thin chu, kumin pawh hian neih leh tur a ni a, nikum lam a mi bakah, mitthi buhfai khawn luh dan telh a ni. Tin, Mitthi lumen, thlanlah, khawhar lenpui, Branch huap hnatlang leh Meeting neihah Section hruaitute bik inelna neih tel tawh tur a ni.

Karleh Ni 10.2.2011(Ninga) zan khian Branch Executive Committee neih tum a ni e.

Kum hmasa lama Section tin a Branch OB represent tih thin chu OB Incharge tiin thlak a ni a, hetiang hian siam a ni : (January - March)

- CH - Pu R.L.Thanhnuana, Secretary.
- K - Pu Lalthuamluaia, Fin.Secy.
- N - Pu R.Lalmachhuana, V.Pre.
- V - Pu K.Darthantluanga, A.Secy.
- T - Pu C.Lalzarliana, Treasurer.

TUN KAR CHANGVAWN

Nang erawhchu engkimah fimkhur la, hreawm tuar la, Chanchin Tha hriltu lam hna thawk la, i rawngbawl na kha hlen rawh.

II Timothea 4:5

Editorial Board

Editor	: R.K.Rozidinga (9436142304)
Joint Editor	: R.K. Malsawmkima (9862578441)
News Editor	: Tv. Thangkhuma (9852303135) Pu Vanlalhluta (9862366308) Tv. Vanlalfawna (9856301975)
Cir.Manager	: Johnny Lalthanpuia (9612359161) Jacob Lalrinsanga (9612319779)
Production Manager	: R.Lalmachhuana (9436151817)

Branch Office Bearer

President	T. Ngurkhuma	9436190843
Vice President	: R.Lalmachhuana	9436151817
Secretary	: R.L. Thanhnuna	9436152760
Asst.Secretary	: K.Darthantluanga	9436196071
Treasurer	: C.Lalzarliana	9436142049
Fin.Secretary	: Lalthuamluaia	9612216649
Advisers	:	
Pi Zamanthangi	Pu Lalbiakthanga Khiangte	
Pu Vanlalsawma	Pu Rothuama	

Editorial:

Kum 2011 chu Pathian hruaina in kan hmang chho mek zel a ni a, hetihlai hian Section hrang hrangte pawhin kan aiawh tur hruaitu kan thlang fel tawhin memberte'n chanvo hrang hrang ah mawhphurhna kan la nual hlawm a. YMA hi amah mai chuan a kal theilo tih hretu kan ni theuh ang. Chhianthi thatni kawng engkimah memberte pheikhai rual zawka kal theuh tum ila, midangte tih a dah mai lovin kei ka chetchhuah loh chuan tunge che chhuak chuang ang tih rilru pu thar theuh thei ila a lawmawm hle ang. Kum bul kan tan ang bawkin tih tur hrang hrang kan intuk leh ngeiin a rinawm a, kan mawhphurhna theuh hi zawmthaw leh timai mai lova kan hlenchhuah theuh chuan Section chak, Branch chak kan ni ngei ang tih hruaitute leh memberte'n hre thar leh theuh ila a tha awm e.

Thu leh hla lama miril tak tak kan awm nual lai hian kan theihna leh thiamna hi kan Branch YMA tan leh chanchinbu tan hian hmang thar a thu leh hla tha tak takte up bo mai lova mi tana malsawmna thlentun ni turin inbuatsaih thar leh ang u. Thu leh hla lama pachhe tak tak Ed.Board-ah min dah a, kan huphurh mai nilovin tlinglo kan in ti a, he mawhphurhna hlenchhuak tur hian nangni memberte leh hruaitute mai bakah vengchhung nu leh pa te puinha hi kan thlahlel takzet a ni.

Thlanmual Sub-Committee

☞ Dt. 4.2.2011 zirtawp zan khan Chairman Pu H. Vanlalvena a inah O.B. meeting neih a ni a, Committe member tur mi 15 an ruat

☞ Kum 2011 chhungin Thlanmual Sub-Committe chuan chak taka hma lak an tum.

Article:**HETI ZAWNG HIAN AW**

President, CWBYMA.

YMA leh kan khawtlang hmasawmna atana kan thawh pui zawng zawngte leh he thu chhiartu zawng zawng te chiabai ka buk a che u.

Kan Pathian in min hruai zel anga tunah chuan YMA -a kan rawngbawlina thawk chhonzawm thei turin Branch, Section leh Committee peng hrang hrangte kan in din chho leh ta a, kan khawtlang nuam leh hlim taka siam turin ka thawhpui zawng zawngte ka sawma che u. Kan thawh ho na tura kan ngaihpawimawh zual te lo tar lang ila.

1. YMA ZAWLBUK SAK :

Chhungkaw 1000 chuang kan ni a YMA member pawh 2000 chuang daih kan ni. Heti chung hian vantlang punkhawmna hmun tih tlak kan nei lo. Kan zavai tana pawimawh leh mamawh hi a rang thei ang ber luah theih a kan siam a ngai a, kan vengchhung nu leh pa Politician leh sawrkar hnathawk zawng zawng ten a puitlin theih nan kan theihna ang kawng kawng in i vei tlang ang u. Kan hruaitu ten chhung tin dap in pawisa leh thil dang an rawn khawn a nih chuan theihtawp a tan lo la theuh tur pawhin kan in ngen lawk a ni.

2. YMA KUMPUNAN :

Kan YMA kumpuan neih mek chu "KHAWTLANG NUN SIAM THAT" a ni. Nikum lam khan kan Sub-Committe te leh hruaitute thahnemngaihna avangin ram pumah thawk tha zual thlan chhuah a pathumna lai kan tling pha ve a, a ropui ngawt mai. He lamah hian kumin ah pawh theihtawpin hma lak kan tum a. Chhung tin mi tin in tih tur leh mawhphurhna kan nei leh vek dawn. Mi thenkhat mahni chauh in ngaihtuah thin ten midangte thatna tur vei ve thin tawh ila nu leh pa ten hmangaih dan dikin mahni fate hmangaih tawh ila kan tu leh fa te nuam taka an rawn khawsakna tlak khawtlang nun i siam ang u. Zu leh ruihtheih thil a buai thin leh buaina siam thin ten sim tawh ila, upa zawkte zahna leh ngaihpawimawhna neiin thalaite i harh thar ang u. Veng changkang lo tehna chu thalaite nungchang mawi lo hi a ni fo thin. Thenawm tha nih i tum hmasa ang u.

3. FAINA CHUNGCHANG :

Engti kawng mahin veng tawp tak veng nuam a ni thei ngai lo. Chhungkaw malah chuan faina chungchang a entawn tlak tak tak te kan tam tawh khawp mai,

chutih lai chuan khawtlang huapa faina kawngah kan la hianm viau lawi si. Veng fai ni tur chuan tan lak kan la ngai nasa hle mai. Inchhung bawlhhlawh kan ngai thei lo ang hian khawlai bawlhhlawh hi ngai thei lo ila chuan hma kan sawn chak ngawt ang. mahni inchhung pawh ti fai peih lo te kan la ni a hetiang kan nih chhung chuan khawlai leh luikawr tawp vei chu a la hla hle mai. Tan lak kan la ngai hle a ni.

4. YMA PARK CHUNGCHANG :

Veng dangin an neih theih loh leh an awng ngawih ngawih veng lun laiah Park nuam tak mai kan nei a. Enkawlerawh a hautak zet mai le. He kan veng ro tha tak mai hi engemaw chang chuan kan hruaitute lu ti hai tu a ni thin. A hman dan dik kan thiam hlei thei lova a neitu ngei ten kan ti tawp a, thil tha lo tihna hmunah kan hmang fo mai hi a pawh hle a ni. Upa zawk leh nu nau te tan hmun ralti a chang thei mai ang tih a hlauhawm hlel love. Veng dang atangin an ran pan ve thin a, a neitu ten kan zir loh chuan veng ti hmaibal tu a ni thei tih i hria ang u. Kan hruaitu ten la thawm that zel an tum a, mitin in a hlutna hria in i enkawlerawh tha sauh sauh teh ang u.

5. TANPUI NGAITE TANPUI :

YMA ingnahna laipui a ni a. Hei ngei hi kan biak Pathian duh dan pawh a ni. Tanpui ngaite tanpui a hun leh tha hmang thin te hi a rawngbawlitu atan Pathianin apawm ngeiin ka ring tlat. Mite tanpui an ngaih laia tanpui thin tu te hi an hlim thin a, Pathian pawhin mal a sawm thin. Hetiang mite hian khawtlang an ti nuam a, YMA thawhpui tute an ni. Thalai, lusun chhungte in a kal thin, thlan lai thin, thingpui lum thin tu te, thingpui sem thin tu te, buhfai khawn thin te, hnatlang a thawk chhuak thin te leh a tawp lai pawh ten duh miah lo tute hi veng ti nuam tute an ni. Hetih lai hian mahni nawmna chiah ngaihtuah a hman hlel thin mi engmaw zat kan la awm. Kumin ah chuan "**Kan vaiin aw**" kan ti duh e. Pen chhuak ngailo te lo chhuak ula, a hma aiin in hlim zawk daih ang. Nu leh pa te pawhin kan tu leh fa te tir chhuak ngam ila tan tlan kan ngai ta a ni e. Nu leh pa te pawh kan thawkchhuak tha viau a tan lak erawh kan la ngai tho mai.

Veng nuam leh lungruual siam turin hetih zawng hian i tang tlang teh ang ule.

TAITESENA

✎ Rokhawlhna dang a awm loh chuan tunkar lo awm tur Ni.8.2.2011(Thawhleh) zan hian Section Committee neih tum a ni a, hruaitute hunawl lo insiam theuh turin an in ngen.

✎ An member Raphael Ngurchhawna s/o R.Thanga chuan Ni 31.1.2011 khan a boralsan a, a kalsan tak a nupui fanau te leh a chhungte an tawrhpu takzet.

✎ Tunkar Inrinni lo awm tur (12.2.2010) ah hian Zingkar ah Faina Hnatlang leh chhun lamah Kuangduan hnatlang neih tum a ni a, memberte leh hruaitute hnatlang theuh turin an in ngen.

✎ An Section Finance Secretary NI.Lalthlamuanpuii d/o Lalmalsawma (Sena) chuan Forest Deptt. ah hna a hmu thar a an lawmpui hle.

✎ YMA Chanchinbu Sub-Agent atan Tv.R.K.Malsawmkima leh YMA AW Agent atan Tv.Johny Lalthanpuia an ruat.

NEUVA

✎ An Leader eizawna thila Lunglei-a zin pawh damtakin a lo haw leh ta.

✎ Thawhleh zan hian rokhwahlhna dang a awm loh chuan Committe koh tum a ni.

✎ Vengchung chanchin hraitna YMAAW chhungtinte la turin an in ngen a. Chutih rualin YMAAW la te chuan a man khawn hunah pek theuh tum turin an in ngen bawk.

✎ Mitthi buhfai khawntu te leh YMAAW Semtu te midang ruat thar hma chu sem/ khawn turin an in hraitir.

✎ YMAAW Agent atan Tv. Jacob Lalrinsanga ruat a ni a, YMAAW Sub-Agent atan Tv RD. Ramdinmawia ruat a ni bawk.

✎ Primary leh High School kawt vela zu leh ruihhlo ual au taka ti thin te ti tawh lo turin an in hraitir.

CHAWNGBAWLA

✎ YMA Chanchinbu Sub Agent atan Lalhriatzela ruat a ni a. Tin, YMA AW Agent atan J.K.Zosangliana chu ruat a ni bawk.

✎ Ni 8.2.2011 zan dar 7 hian Pu K.Lalthakima (Leader) inah Committee neih tur a ni a, hruaitute hunawl lo insiam turin an in ngen.

✎ An member H.Lalzamlova s/o Ramdingliana (L) chuan LAD Deptt. ah Circle Asst. hna a hmu thara an lawmpui hle.

VANAPA

✎ YMA Chanchinbu Sub Agent atan Tv.R. Lalringgheta Asst. Secretary ruat a ni a Tin, YMAAW Agent atan Pu Lalfakawma chu ruat a ni bawk.

✎ An member John Lalduhawma s/o T.Sangkhuma chuan nupui tha tak mai a nei chu an lawmpui hle.

✎ Tunkar lo awm tur thawhleh zan (8.2.11) Dar 6 hian Leader V.L.Thakima inah committee neih tur a ni a, memberte an in hriattir lawk.

✎ An member Vanhmingthanga s/o Saihnuna Sailo in fapa duhawm taka nei chu an lawmpui hle.

✎ Kum 2011 kan lo chuangkai leh ta a, inluah tur nei te leh inluah tur te' n pem lehkhia i ngai pawimawh hram ang u.

✎ R.Lalremsiami (Tetei) d/o R.Lalngilneiha Civil Hospital a awm chu damtakin a lo chhuak leh tawh a, vanduaia a tawhna ah an tuarpui hle.

KHUANGCHERA

✎ Ni. 8.2.2011 thawhleh zan hian kum 2011 atana Section Committee hmasa ber Bungraw inah koh a ni a. Member te' n ngaihpawimawh theuh tur a ni.

✎ Ni 29.1.2001 khan hruaitu hnatlang bungraw inah koh a ni a, hnatlangte tan hian Pu F. Rosiamliana chuan Selection Grade a a kai lawm nan zanriah a buatsaih sak chu hlim takin an kil ho. Pu F. Rosiamliana chungah lawmthu an sawi a ni.

✎ Bungraw in an sak chu zawh thawkhat a ni tawh a, a hawna pawh neih theih thuai an beisei a, section member leh nu leh pa te inpekna a nih avangin lawmthu an sawi.

✎ Ni 28.1.2001 khan Office Bearer tharte kum 2011 a tana hruaitu tur committee member an ruat a, tlawmngai a pawm theuh turin an ngen.

✎ Khuangchera Section member leh hruaitu heng mite hian Forest Guard hna an hmuthar a, an lawmpui rualin YMA deuh deuh turin an beisei.
1. NI. Esther Laldinpuii d/o Lalrinmawia
2. Pu Lalbiakthara s/o R. Tlangmawia
3. Pu Michael MS. Dawngliana s/o Pi Kenedy

Tin, he mi rual hian Tv. H. Lalruatfela S/o Pu H. Vanlalsanga an hruaitu Senior chuan Prab in (B.A. level) tha takin a Pass chu an lawmpui takzet a ni.

MHIP NEWS

✎ Chanmari West Branch MHIP te pawhin an Building sa turin hma lakna a la kal zel a, tun Inrinni khan a hmunhma tih fel a en ho niin Ni 7.2.2011 (thawhtanni) hian ban laihtan tum a ni ta.

✎ Tailoring Training pawhin hma a sawn zel a, zirlai te pawhin hma nasa takin an sawn a, tun thla chhung hian exam te neih a ni dawn a tha tak a exam an tih theih nan Trainees te chungah MHIP chuan duhsakna a hlan bawk a ni.

ZCC NEWS

✎ Dt. 31.1.2011 thawhtanni khan Tourist Lodge Chaltlangah Chanmari West Branch YMA Programme neih a ni a, member 20 an thawk chhuak.

✎ Kum 2011 chhunga Club member turte lak mek a ni a Mizo Culture lama tui mi te member ni turin an in sawm.

✎ M.C.O. General Headquarter in hnam lam intihsiak Dt. 17-18 .3.2011 a a buatsaih turah tel ve tum a ni. Hemi atan hian Dt. 8.2.2011 thawhleh zan dar 6:30 ah Middle School kawtah culb member lam zir tura kal vek tur a ni e.

✎ Chapchar kut ah M.C.O. Headquarter in min ngen angin Chheihlam a hu ho va entir turah tel ve ngei tum a ni.

MISTIRI ASSOCIATION

✎ Mistiri Association Chanmari West chuan Dt. 30.1.2011 khan kum 2011 chhunga hruaitu thar thlan an nei a, heng mite hi an mi thlan tharte chu an ni.

President - Pu R. Lalthantluanga

V.President - Pu H. Lalthuama

Secretary - Pu Lalrinmawia Ralte

Asst.Secretary - Pu Rohlpuia

Treasurer - Pu Malsawma Chhinte

Fin. Secretary - Pu Ronghaka

C.W.S.C**Volleyball Sub-Committee**

✎ An Committee member NI. Lalbiaksangi Dt. 11.2.2011 chhun dar 12:00 a Bawngkawn Presbyterian Kohhran Hall a pasal nei tur chu an lawmpuiin hemi ni hian Sub-Committee hruaitute leh Volleyball Players zawng zawng te kal vek turin an in hraitir.

✎ Dt. 13.2.2011 chhun dar 12:00 hian Asst. Secretary Tv. Lalhruaitluanga a nuin a boral san chu ralna neih tur a ni a, Committee member te leh Players te kim taka kal vek tur a ni e.

SECTION COMMITTEE MEMBER TE

HETAH HIAN SMS LA
>>9774170328<<**Chawngbawla member 25 :**

Pu C. Sangpuia	Pu Vanlalhlana	Pu Zoramthara
Pu R. Lalhmingthang	Pu C.T. Vawra Zote	Pu Thangchhuana
Pu J. Lalnangliana	Pu Rosangpuia	Pu C. Lalmuanpuia
Pu Lalbiakzuala Sailo	Pu H. Lalnunmawia	Pu Tlangdingliana
Tv Lalhriatzela	Tv Lalmalsawma	Tv Vanlalnggheta Pachuau
Tv Michael Lalawmpuia	Tv Thansuanmanga	Tv HV. Lalremruata
NI R. Lalawmpuii	NI C. Lalmuanpuui	NI Elizabeth Lalramhluni
NI Lalchhandami Tochhawng	NI Ellen Lalrintluangi	NI C. Lalthanzuali
NI C. Zomuankimi		

Vanapa member 25 :

NI. Vanlaluanpuui	NI. H. Lalchungnungi	NI. Zoar Lalrammawii
NI. C. Lalhruaitluangi	Pu H. Vanlalvena	Pu H. Lalremtluanga
Pu PC. Lalawmmawia	Pu Roluahpuia	Pu Lallianzauva
Pu R. Vanlalsawma	Pu Zosangliana	Pu Gordon Zosangliana
Pu R. Laltanpuia	Pu H. Lalrammawia	Pu T. Lalremruata
Pu K. Lalhmachhuana	Pu Laltanpuia	Pu PC. Lalremkima
Pu Francis Lalrindika	Tv. Zohmingliana	Tv Zothankima
Tv Lalnunhlama	Tv Vanlalhriata	Tv Lalchhuanliana
Tv. R Lalremruata		

Khuangchera member 25 :

NI. Zoramthari	Pu H. Vanlalsanga	NI. H. Vanlalhruaii
NI. Laldinpuui	NI. Irene Lalhmingmawii	NI. Zosangzuali
Pu Lalremruata Pachuau	Pu K. Lalengmawia	Pu Lalliansanga
Pu Lalrinmuana	NI. Linda Sairengpuui	NI. Lalduhawmi
Tv. Laltlankima	Pu Ramfangzuava	Pu Rochungnunga
Pu TC. Lalthangliana	NI. Lallianmawii	NI. Vanlalchhuangi
Pu T. Lalrinawma	Tv. Zarzoliana	NI. Lalmuanpuui
Tv. Lalremruata	Tv. Zion Lalramluaha	Tv. Rosangmawia
Tv. K. Lalremruata		

Taitesena member 21 :

Pu.H.Lalramhluna	Tv.Johny Lalhanpuia	Pu.H.Lalremruata
Tv.R.K.Malsawmkima	Pu.H.Lalthazela	Tv.Lalbiaksanga
Pu.Lalbiakzuala	Tv.Lalrokhuma Ralte	Pu.Lalchhuanliana
NI.Agnetha Lalnunmawii	Pu.Lalhmingliana (Puia)	NI.Lalhruaitluangi
Pu.Lalrinsanga	NI.P.C.Lalhmgangaihi	Pu.Lalrozama
NI.Lalthanpuui	Pu.P.Lalramliana	NI.P.C.Lalrindiki
Tv.C.Lalfela	Tv.Malsawmtluanga	
Tv.Malsawmtluanga(Mala)		

Neuva Section member 25 :

Pu Vanlalvuana	Pu K.Lalzuitthanga	Pu Lalchhandama
Pu K. Lalchullova	Pu Lalhruaitluanga	Pu H. Vanlalruata
Pu Lalnunsanga	Pu K. Lalremmawia	Pu Malsawma Chhinte
Pu Lalthazuala Pautu	Pu Lalremruata	Tv R.D. Ramdinmawia
Tv R. Laltlankima	Tv Lalmuanpuia Zawngte	Tv R. Zoramthara
Tv Robert zoramthara	Tv Lalrintluangi	Tv Lalhmingsanga Pautu
Tv Jacob Lalrinsanga	Tv Lalpekhlua	Tv Ricky Lallawmkima
Tv Henry Lalremruatpuia	NI. Lalrindiki Ralte	NI Lalthachhungi
NI Jenny Malsawmtluangi		

CYMA buatsaih computer zir chhuakte thlah

Central YMA leh Gandhi Institute of Computer Education & IT tang dun buatsaih computer zirnaa zir thar tur leh a zir chhuak tawhte certificate hlanna, ni 1.2.2011 dar 1:00pm khan CYMA Hall-ah neih a ni.

Pu H. Lalruatlana, Chairman Documentation & IT Sub-Committee, C YMA chuan kaihruiin, Pu Lal Rimawia, Secretary, Documentation & IT Sub-Com-in report a pe a. Pu Lalbiakzuala, Gen. Secretary, CYMA

chuan fuihna thu sawiin, Pu R. Lalnggheta, Treasurer, CYMA-in zir chhuakte certificate a hlan.

(Kum 2010 atang khan Certificate Course in Office Assistant hi kalpui a ni a. Thla 3 zir niin, CYMA-in senso tum vekin a thlawna computer zirna hi batch 3-na ni 7.2.2011-ah tan a ni leh dawn a, CYMA Building Tuikhuahlang-ah ni khatah darkar hnih zelin hun li hman thin a ni.)

☞ Ka ngaihtuah thin a, kan vengchhunga kohhran hrang hrang thalai hruaitu fel tak tak te hian in pawh tlang takin Joint Fellowship neih ho te hi han ngaihtuah chhuak ta se ka ti thin. Items te thawkhawm in pawl pawl awmlo in Pathian han fak ho ila Pathian a ropui dawn em mai. Mahni kohhran a kan tih dan ngai reng te pawh hi han thlak ve chhin ila kohhran danga in tuk luhna nilovin. **9612113 __5**

☞ NLUP tih reng mai a kham awm ta e. Mirethei ei tur pawh nei manglo dawng ve silo an tam si a. **9774782 __5**

☞ Vanapa Section a sapzu phur lut leh phur chhuak thin tu kha vengchhungi ti hmingchhia a i ti tawp bawk. In sim loh chuan Chiang zawkin motor no. leh i hming kan rawn tarlang tawh ang. **9089532 __4**

☞ NLUP tih reng mai a kham awm ta e. Mirethei ei tur pawh nei manglo dawng ve silo an tam si a. **9774782 __5**

☞ Sunday dawn apiang ah zuruih vanga chhungkua a buaina siam thin ho kha in ninawm khawp mai, a bikin zuangtui chhak ah sawn an ni duh lehngal. **9774450 __6**

(SMS kan dawn te hi Ed. Bd ngaihdan a ni vek kher lo)

LUSUN/KHAWHAR

CWBYMA member Pu Raphael Ngurchhawna (34) s/o Pu R.Thanga T Section ami chuan Ni 31/1/11 khan min boralsan. Lusun chhungte CWBYMA chuan a tuarpui a, Pathian awmpuina chang zel turin duhsakna a hlan.

VENG MIPUI TE HNENA NGENNA LEH HRIATTIRNA

Ni 12.2.2011 Red Ribbon Inter Village Football Tournament lo awm turah hian kan veng pawh chhuah ve ngei nise tih Chanmari West Local Council chuan a rel a, he tournament ah hian sum leh pai engemawzat mamawh a nih leh dawn avangin vengchhungah Donation Local Council member te leh Sporting Club te'n tukin (6.2.11) zing atang hian an rawn khawn dawn a, vengchhung mipuite veng tan a ni tih hria a tlawmngaih chhuaha remchan ang ang lo pe theuh turin kan in ngen tak meuh meuh a ni .

Sd/- Chairman, Local Council.